

贊之功無不到即聖人亦不知其到也此終不為大即丹經
及尋其根源一粒如黍大是也故能成其大即丹經會得坎
離基三界歸一身是也

大道汎兮乃極廣大而盡精微故次之以執大象天下往
仁德章第三十五

執大象天下往

萬物歸焉

往而不害

道無鬼神獨往獨來

安平泰

心安則性平性平則神泰

○萬民遂萬化安也

樂與餌

從心不踰矩

過客止

邪念白絕

道之出口

淡而無味

淡乎其

無味

無味之味無聲無臭

視之不足見

道無形

聽之不足聞

道無聲

用之不

可既

道無盡

釋德清曰無象謂之大象大象無形而能入眾形有形者無

道藏輯要

太上道德寶章翼一

至

心集三

不歸聖人執無我以御天下故天下莫不往以其與物同體
也萬物恃之以生無往而不利故云往而不害然忘於物者
物亦忘之故物各得其所無不安物物相忘而無競故無不
平暖然如春故無不泰○復圭子曰此承上章末句來大象
者道也夫能執古之道以御今之有則天下萬物皆歸往之
矣不害猶並育而不害也天下各得其所欲而來各厭其欲
而往安也平也安平之極則泰矣○玄同子曰樂與餌餌者
凡聲色貨利靡麗繁華可以移人志而樂人心者皆餌也吾
執大象以往尙有何物可以餌吾衷而樂其餌耶即有餌吾
者吾姑以樂與之彼邪幻之過客當自銷形滅跡於無象之

外止而不前所以執大象之道澹若無味而無味之味為大
味視若無形而無形之形為大形聽若無聲而無聲之聲為
大音變化無方廣大無際而用之不可既故能成其大

用之不可既者乃微明之利器也即翕張強弱廢與與廢之妙用

微明章第三十六 將欲喻之必固張之一闢將欲弱之必固強之一闢

將欲廢之必固興之若存將欲奪之必固與之得用是謂微明幾微先兆

復圭子曰此章止以柔弱勝剛強一句為主翕聚也張大也
開擴也心體不先開擴致廣大則不能翕聚而盡精微此所
以欲翕而先張也弱之挫其銳也強之鼓舞其精神使不倦
也工夫必先有作有為方能造到專氣致柔此所以欲弱而

道藏輯要 太上道德寶章翼一 壘 心集三

先強也廢是廢耳目墜肢體黜聰明也興是興其師旅出我
之陽神戰退羣陰而後百念消融則欲廢而安得不興乎奪
是奪造化之權盜天地之氣與是靜而與陰同德動而與陽
同波則欲奪而安得不興乎其理甚明而其機極微此之謂
微明夫人神至柔也神能入金石而無礙入水火而不溺不
焚天下之柔弱莫過於水而攻堅強者莫之能勝故曰柔弱
勝剛強人範圍於陰陽之內猶魚之在淵而不可脫淵國之
自操其利器而不可示人以利器也聖人則跳出陰陽之外
如龍之躍淵變化而不測也宇宙在乎手萬化生乎身敢有
貪天功以為己力者無有哉○呂知嘗曰天之道物之理人